



nogorikitō

wadah informasi anda

Bil. 1/2021: SEMPENA ULANG TAHUN KEPUTERAAN KE-73 | BERSIH • MUAFAKAT • SEJAHTERA

JANUARI 2021
PERCUMA

DIRGAHAYU TUANKU

LAMBANG PENYATUAN NEGERI



IMBAS QR CODE



Berita lanjut di muka surat 6



4



8/9



16

PERUTUSAN TAHUN BARU

2021: KEKAL BERJUANG, MENJULANG REFORMASI

Tahun 2020 meninggalkan kesan yang paling mendalam dengan pelbagai ujian dan cabaran. Bingkisan pengalaman dalam rakaman suka duka rentetan peristiwa sepanjang tahun ini wajar dimuhasabah dan dicermati penuh ibrah.

Agenda besar kita masih tertangguh, reformasi yang kita usahakan terhenti apabila kerajaan pilihan rakyat terkandas di tengah jalan. Mandat dirobek rakus, demokrasi dicabuli tanpa segan silu, kesan krisis ekonomi akibat pandemik COVID-19 dan ketidakstabilan tatakelola negara semakin dirasai.

Namun, walau badai melanda kita masih diizinkan berdiri memegang panji negeri. Syukur kehadrat Ilahi yang masih memberikan ruang untuk kami terus berkhidmat, menabur jasa dan mengerah keringat demi rakyat yang kita kasih.

Dua tahun enam bulan telah berlalu, semuanya pergi begitu pantas. Terlalu banyak kerja buat yang perlu tetap diusahakan. Saya sedar bahawa berbaki beberapa tahun ke hadapan adalah

fasa kritikal untuk kita semua. Sama ada berjaya kembali bangkit membangun negeri dan memulihkan ekonomi secara kolektif, semua ini bergantung kepada dokongan dan sokongan semua pihak, terutama rakyat.

Dengan mengambil kira seluruh data, pertimbangan situasi politik dan perkiraan iklim ekonomi domestik serta global sememangnya menghadapi tahun baru akan menjadi lebih getir, sukar diramal dan dijangka.

Walaubagaimanapun, segala persiapan telah dirangka, perencanaan telah kita siapkan bagi menghadapi segala kemungkinan yang bakal tiba. Dengan perluasan inisiatif sedia ada dan pengetahuan inisiatif baru dalam Belanjawan 2021 lalu diharapkan agar usaha-usaha memperkasa rakyat dapat dilaksanakan. Matlamat kita supaya ekonomi dapat dimangkin dalam kadar segera.

Di peringkat kerajaan negeri, saya dan barisan kepimpinan yang telah diamanahkan akan terus memberikan khidmat yang

terbaik. Iltizam kami selagi diberikan kepercayaan akan terus menumpah jasa dan bakti sehabis daya. Komitmen kita tetap sama akan terus setia dalam berjanji, kekal berjuang menjulang reformasi. Keadilan, kesamaan perlu dirasai semua pihak, kekayaan negeri juga perlu dinikmati seluruh murba dan jelata.

Apa pun yang akan terjadi, pemimpin dan rakyat perlu berganding bahu, sentiasa berusaha kuat, saling memberdaya agar kestabilan, keharmonian dan kejayaan yang pernah kita kecapi dapat direalisasikan.

Ayuh sama perbaharui niat kita, rapatkan jurang, ringan membahu dan sedia membantu. Tinggalkan politik perkauman sempit, terus muafakat membina legasi buat tauladan anak cucu kita. Laluilah tahun baru dengan penuh mahabbah dan kasih sayang sesama kita termasuk memelihara nilai-nilai murni yang dikongsi bersama.

Sedarilah bahawa konotasi negatif terhadap perubahan nilai telah mengundang bersama terhadap kemelut ketidakstabilan politik. Jelas

di sini, peranan nilai amat mustahak kerana kuasa nilai inilah yang berperanan sebagai penentu utama di dalam sistem politik yang menjadi wasilah demokrasi dalam pembentukan negara dan seterusnya membina peradaban.

Baik atau buruknya, benar atau salahnya, bersih atau kotornya sistem bergantung sepenuhnya kepada nilai masyarakat yang menjadi watak utama di dalam pentas politik.

Akhir kalam, kita perlu optimis masa depan ini hanyalah untuk kebenaran. Bulatkan pengharapan kepada Allah, berdoalah supaya diampuni dosa yang berlalu dan diberi kebaikan berkekalan menelempuh tahun baru. Moga kita dikurnia sebuah negeri yang makmur dan sejahtera.

Salam Perjuangan, Selamat Menyambut Tahun Baru 2021.

YAB Dato' Seri Haji Aminuddin Harun

Menteri Besar Negeri Sembilan Darul Khusus



Daulat Tuanku



SEMOGA DIRAHMATI & DIBERKATI ALLAH

KE BAWAH DULI YANG MAHA MULIA
YANG DI-PERTUAN BESAR NEGERI SEMBILAN DARUL KHUSUS

**TUANKU MUHRIZ
IBNI ALMARHUM TUANKU MUNAWIR**

SEMPENA ULANG TAHUN HARI KEPUTERAAN KE - 73

14 JANUARI 2021 / 1 JAMADILAKHIR 1442H



KERAJAAN NEGERI SEMBILAN DARUL KHUSUS
& SELURUH RAKYAT NEGERI SEMBILAN

PELABURAN

SASARAN RM10 BILION PELABURAN BUKTI INTEGRITI NEGERI

Kerajaan Negeri Sembilan menyasarkan pelaburan RM10 bilion tahun depan, walaupun berdepan situasi wabak COVID-19. Sasaran itu boleh dicapai berikutan sambutan yang baik ditunjukkan pelaburan asing dan tempatan, terutama di Lembah Wawasan Malaysia 2.0 (MVV 2.0). Selain itu, Negeri Sembilan turut menunjukkan graf pelaburan yang baik apabila mencatatkan jumlah pelaburan sebanyak RM5 bilion tahun sebelum ini.

Pada tahun 2018, Negeri Sembilan telah mencatatkan

pelaburan berjumlah RM2.86 bilion manakala tahun 2019 menyaksikan jumlah pelaburan meningkat kepada RM3.68 bilion.

Kerajaan Negeri turut memberi fokus kepada pelaburan berteknologi tinggi yang akan meningkatkan pertumbuhan ekonomi negeri, di samping menyediakan peluang pekerjaan kepada rakyat tempatan agar rakyat mendapat pulangan dalam pelbagai bentuk seperti peluang pekerjaan dan pembangunan infrastruktur.



DUTCH LADY PILIH NEGERI SEMBILAN SEBAGAI HUB TENUSU HALAL

Syarikat Dutch Lady Milk Industries Berhad (DLMI) telah memilih Negeri Sembilan sebagai lokasi hab tenusu halal baharu mereka. Kilang yang berkeluasan 13.19 hektar ini akan dibina di Bandar Enstek dan bakal menjadi pusat bertaraf dunia yang dilengkapi dengan teknologi mesra alam terkini bagi meningkatkan lagi kecekapan dan produktiviti.

Kerajaan Negeri Sembilan komited dalam menjadikan

Negeri Sembilan sebuah negeri yang strategik untuk pelaburan baik daripada dalam dan luar negara. Bagi merancakkan lagi pelaburan, Kerajaan Negeri telah melancarkan Invest Negeri Sembilan Year 2021 (Invest NS 2021). Semoga pelan yang padat dengan inisiatif untuk pelabur ini dapat menarik minat lebih ramai pemain industri, seterusnya memberikan peluang pekerjaan kepada rakyat Negeri Sembilan.

2021: TAHUN MELABUR NEGERI SEMBILAN

Pada 15 Disember yang lalu, YAB Dato' Seri Haji Aminuddin Harun telah melancarkan Tahun Melabur Negeri Sembilan 2021 atau *Invest NS Year 2021*. Program ini adalah antara usaha Kerajaan Negeri dalam membangunkan ekonomi semasa pada masa yang amat mencabar ini. Harapan Kerajaan Negeri agar pelaksanaan inisiatif yang dibentangkan dapat melonjakkan ekonomi negeri dan negara di samping meningkatkan taraf ekonomi rakyat.

Kerajaan Negeri Sembilan turut melancarkan Negeri Sembilan Integrated Concept Masterplan 2021-2045 yang telah disediakan oleh NS Corporation (NS Corp). Dokumen ini merupakan rangka konsep pembangunan Negeri Sembilan yang inklusif dan mampan yang memfokuskan kepada pem-

bangunan *Malaysian Vision Valley 2.0* (MVV 2.0), agropolis dan biodiversiti.

Pada masa yang sama, satu majlis menandatangani memorandum kerjasama (MoC) pelaburan telah dimeraih antara NS Corp dan tiga buah syarikat terkemuka iaitu Sime Darby Berhad, Sime Darby Property Berhad dan Uni Wall APS Holdings Berhad bagi membangunkan *heartbeat projects* MVV 2.0.

MoC ini merupakan simbolik kepada inisiatif yang dihasratkan oleh Kerajaan Negeri Sembilan dalam meningkatkan hubungan kerjasama strategik untuk menggalakkan pelaburan serta menjadi manifestasi kerjasama awam-swasta dalam pembangunan Negeri Sembilan.



Puan Hazlina, wakil Pejabat Daerah Dan Tanah Tampin menerima akhbar Nogori Kito



Kunjungan hormat Seremban Engineering Berhad (SEB) ke Pejabat YAB Menteri Besar



Minda Editorial

Nor Azman Bin Mohamad
Setiausaha Akhbar,
Menteri Besar Negeri Sembilan

"Jangan takut jatuh, kerana yang tidak pernah memanjatlah yang tidak pernah jatuh. Yang takut gagal, kerana yang tidak pernah gagal hanyalah orang-orang yang tidak pernah melangkah. Jangan takut salah, kerana dengan kesalahan yang pertama kita dapat menambah pengetahuan untuk mencari jalan yang benar pada langkah yang kedua.
—Buya Hamka"

Dalam Al-Quran, Tuhan memerintahkan bahawa jika kita telah menyelesaikan satu pekerjaan, untuk segera beralih kepada kerja yang lain. Dengan melihat perkhidmatan yang telah kita lakukan untuk negeri, rakyat dan bangsa kita, kami juga tidak pernah mengatakan 'selesai', maka akan terus berkhidmat.

Tahun 2020 berlalu meninggalkan kita dengan pelbagai episod suka duka, penuh pengalaman,

dan kesan yang perlu direnungi penuh hikmah. Dengan menzahirkan kesyukuran kepada Allah yang telah memberi pinjaman kerajaan ini kepada Pakatan Harapan, pastinya terlalu banyak kerja dan usaha yang masih tertangguh.

Edisi khas ini menjelaskan iltizam keseluruhan Kerajaan Negeri dalam memastikan agenda reformasi kekal berjalan dan terus menjadi fokus keutamaan sepanjang tahun 2021. Selain itu, keazaman mempamerkan nilai-nilai besar perjuangan yang sentiasa melaksanakan amanah, mengangkat keadilan untuk semua dan mementingkan integriti dalam segala perkhidmatan.

Inilah ikrar dan janji seluruh pimpinan negeri, rakyat tetap dihati. Kerajaan akan memastikan bahawa manifesto yang berbaki akan ditunaikan sehabis baik. Dari semasa ke semasa akan terus komited mencari solusi kepada isu-isu yang berbangkit agar kebaikan dapat dirasai secara berterusan.

Terima kasih kepada rakyat atas kepercayaan dan sokongan yang diberi selama ini. Merafak sembah ke bawah duli Tuanku, moga Allah memelihara, merahmati dan memanjangkan usia Tuanku sebagai lambang penyatuan negeri.

**Daulat Tuanku,
Dirgahayu Negeriku!**

HASIL RM 452.9 JUTA, HADIAH TAHUN BARU

Pada tahun 2020, Kerajaan Negeri Sembilan telah berjaya mengutip hasil sebanyak RM452.9 juta bersamaan dengan 99.1% daripada sasaran asal walau-pun berhadapan dengan pandemik COVID-19.

Kutipan hasil ini juga merupakan hadiah tahun baru buat seluruh rakyat Negeri Sembilan yang sama-sama terlibat secara langsung mahupun tidak dalam memastikan hasil kerajaan meningkat dengan begitu cemerlang. Sudah pastinya dengan kedudukan kewangan yang kukuh, Kerajaan Negeri Sembilan mampu membantu lebih ramai anggota masyarakat tidak kira situasi yang melanda.



SASARAN
BELANJAWAN
2020

RM 457 JUTA

Dalam pada itu, Kerajaan Negeri Sembilan turut mengucapkan setinggi-tinggi tahniah dan terima kasih kepada seluruh penjawat awam Negeri Sembilan kerana telah berjaya mengutip hasil tersebut sekali gus menjadikan kutipan tersebut pencapaian yang luar biasa dan amat membanggakan.

Kedatangan 2021 disambut dengan penuh kebanggaan dan ini adalah bukti bahawa tidak ada yang mustahil untuk dicapai sekiranya kita bersatu, berusaha dan bekerjasama sebagai satu pasukan yang mantap.



RESENSI BUKU

JEJAK-JEJAK DI PANTAI ZAMAN

Kemiskinan menjadi masalah perdana di Malaysia pada masa ini. Di dalam buku ini Prof DiRaja Ungku Abdul Aziz, seorang tokoh ekonomi, yang menumpukan perhatiannya kepada masalah kemiskinan desa selama lebih daripada 20 tahun menghuraikan pendapat Za'ba tentang kemiskinan orang Melayu yang ditulis 50 tahun dahulu. Sambil memberi latar belakang tentang rancangan-rancangan ekonomi yang Za'ba telah menulis sekali sahaja di dalam riwayatnya, Prof DiRaja Ungku Abdul Aziz juga menyumbang jejak-jejak Za'ba di pantai zaman sehingga di zaman sekarang di mana pembasmiان kemiskinan telah ditentukan sebagai satu dari dua strategi penting di dalam Rancangan Ekonomi Malaysia yang kedua (1971-1975).



Sungguhpun Prof DiRaja Ungku Abdul Aziz begitu sibuk dengan urusan universiti, tugas-tugas antarabangsa serta usaha penyelidikan tentang kemiskinan desa beliau telah berjaya melapangkan masa untuk memberi penghormatan sewajarnya kepada sahabat lamanya Za'ba, bukan sahaja sebagai tokoh cerdik pandai Melayu dan sasterawan yang ulung akan tetapi juga sebagai tokoh pemikir ekonomi yang awal di antara anak bangsa Melayu.

Yang demikian kesimpulannya ialah Za'ba pasti meninggalkan jejak-jejak di pantai zaman ini.

Selamat membaca!

KOLUMNIS

Dirgahayu Duli Yang Maha Mulia Yang di-Pertuan Besar Tuanku Muhriz ibni Almarhum Tuanku Munawir

Tuanku Muhriz ibni Almarhum Tuanku Munawir bakal menyambut hari keputeraan baginda pada tanggal 14 Januari 2021. Tarikh tersebut menjadi tanda bahawa "Negeri Adat" ini masih berpenghulu. Jika dikaji susur galur baginda, dapat dibuktikan bahawa baginda berasal daripada keturunan pemerintah kerajaan Pagar Ruyung.

Dari sudut sejarah, menunjukkan betapa besarnya kedudukan Yang di-Pertuan Besar Negeri Sembilan dari sudut sejarah, ketinggian kedudukan tersebut turut ditunjangi oleh sumbangannya kepada pembentukan sistem pemerintahan Malaysia. Sistem pemerintahan Yang di-Pertuan Besar Negeri Sembilan merupakan sistem Demokrasi Perwakilan yang tertua dalam sejarah moden (ia mula diamalkan pada tahun 1773), malah ia mula diamalkan lebih dahulu daripada sistem Demokrasi Perwakilan di

United States of America (1776 adalah tarikh negara tersebut mengisytiharkan *Declaration of Independence*).

Sistem Demokrasi Perwakilan yang diamalkan untuk memilih Yang di-Pertuan Besar Negeri Sembilan kemudiannya menjadi batu asas kepada sistem pemilihan Yang di-Pertuan Agong di Malaysia.

Hari keputeraan Yang di-Pertuan Besar Negeri Sembilan biasanya disambut dengan istiadat menghadap dan pengurniaan Darjah Kebesaran, Bintang dan Pingat. Namun, jika dilihat pada sisi adat, hari keputeraan Yang di-Pertuan Besar Negeri Sembilan merupakan hari di mana baginda akan turun dari kedudukan pemerintah dan melakukan aktiviti bersama rakyat.

Paling jelas dapat dilihat aktiviti di mana Yang di-Pertuan Besar akan basah bersa-

ma rakyat jelata dengan disirami pancutan air sebagai salah satu aktiviti sambutan hari keputeraan baginda (aktiviti ini pernah dilakukan semasa sambutan keputeraan Tuanku Ja'afar ibni Almarhum Tuanku Abdul Rahman). Aktiviti ini membawa simbol di mana kedudukan pemerintah dan rakyatnya adalah sama pada dasarnya. Malah pernah juga diadakan acara menangkap itik di kolam dan acara karaoke dengan penyertaan Yang di-Pertuan Besar bersama rakyat jelata. Tema aras sambutan hari keputeraan Yang di-Pertuan Besar adalah penyertaan baginda bersama rakyat dalam acara adat, keagamaan, hiburan, sukan, pameran dan acara rakyat.

Pada hari ini sambutan keputeraan Yang di-Pertuan Besar Negeri Sembilan masih disambut dengan tema kebersamaan tersebut, menjadi tanggungjawab rakyat Negeri Sembilan (tanpa mengira latar belakang)

untuk turut sama meraikan hari keputeraan baginda melalui aktiviti yang telah lama diamalkan. Penglibatan rakyat Negeri Sembilan dalam sambutan keputeraan Yang di-Pertuan Besar Negeri Sembilan menunjukkan bahawa kedudukan Yang di-Pertuan Besar Negeri Sembilan masih disanjung tinggi pada masa kini dan ia juga membawa mesej bahawa institusi Yang di-Pertuan Besar Negeri Sembilan masih mempunyai prestijnya dan tidak bergantung kepada kenangan nostalgia silam sahaja.

Paling penting adalah untuk meraikan aktiviti sambutan keputeraan Yang di-Pertuan Besar yang sangat berbeza dengan sambutan pemerintah di negeri atau negara lain di mana ia hanya wujud dalam konteks Negeri Sembilan sahaja.

Mohd. Fauzi Bin Fadzil
Felo Penyelidik
Pejabat Presiden MBM



SAINS BANTU MANGSA BANJIR DI PAHANG

Syarikat Air Negeri Sembilan (SAINS) telah menghantar sebanyak 3 buah lori tangki masing-masing dengan kapasiti 1,200 dan 800 gelen bagi membantu Pengurusan Air Pahang (PAIP) yang terjejas akibat banjir yang melanda. Pihak SAINS turut telah menghantar 4 buah tangki statik bagi membantu PAIP. Secara keseluruhannya, sebanyak 17 lori tangki daripada 7 operator bekalan air dari seluruh Malaysia hadir menghulurkan bantuan.

Kerajaan Negeri Sembilan berharap agar bantuan ini dapat meringankan beban PAIP yang terjejas akibat daripada bencana yang di luar jangkaan ini.

Pihak SAINS sentiasa berusaha bagi membantu mana-mana operator bekalan air yang sedang dalam kesuahan, sepertimana yang telah dilakukan mereka sewaktu krisis bekalan air di Negeri Sembilan baru-baru ini.



إِنَّمَا الْمُحْكَمُ بِالْجَمْعِ

Takziah Diucapkan Kepada Keluarga
Almarhum Profesor Diraja
Ungku Abdul Aziz Ungku Abdul Hamid
Atas Pemergian Almarhum ke Rahmatullah

Ikhlas Daripada

YAB Dato' Seri Haji Aminuddin Harun
Menteri Besar Negeri Sembilan Darul Khusus

PENIAGA KECIL DIKECUALIKAN BAYARAN LESEN PBT SETAHUN



Peniaga dan penjaja kecil yang layak di negeri ini dikecualikan bayaran lesen penjaja membabitkan permohonan baharu dan sedia ada, selama setahun mulai bulan ini.

Menteri Besar, Datuk Seri Aminuddin Harun, berkata pengecualian bayaran lesen itu membabitkan implikasi kewangan kerajaan sebanyak RM785,953.

Katanya, langkah itu diambil bagi meringankan beban mereka susulan kesan daripada penularan pandemik COVID-19.

"Kita sedar ramai peniaga dan penjaja kecil yang menerima kesan akibat pandemik COVID-19 dan kerajaan negeri berusaha untuk membantu bagi meringankan beban mereka dengan mengecualikan bayaran lesen penjaja pihak berkuasa tempatan (PBT)."

إِنَّمَا الْمُحْكَمُ بِالْجَمْعِ

Takziah diucapkan kepada keluarga
Almarhumah Tun Hajjah Rahah Mohamed Noah
atas pemergian Almarhumah ke Rahmatullah

Ikhlas Daripada

YAB Dato' Seri Haji Aminuddin Harun
Menteri Besar Negeri Sembilan Darul Khusus

ISU RAKYAT SELESAI

DI BAWAH KERAJAAN PAKATAN HARAPAN NEGERI SEMBILAN

PAKATAN HARAPAN

DERITA GATCO 40 TAHUN BERAKHIR

Setelah lebih 40 tahun, akhirnya kemelut GATCO menemui jalan penyelesaian. Pada 3 Mac 2020 yang lalu, YAB Menteri Besar Negeri Sembilan telah menyampaikan geran tanah seluas empat ekar dan dua ekar kepada 139 orang penduduk untuk fasa 1, manakala baki 38 penerima bagi fasa 2 pada 24 Disember 2020 disampaikan oleh YB Teo Kok Seong (EXCO Kesejahteraan Bandar, Perumahan Kerajaan Tempatan dan Kampung Baru mewakili YAB Dato' Seri Menteri Besar).

Setelah 13 tahun beroperasi, GATCO menawarkan untuk memindah milik tanah yang dipajak daripada PKNNS kepada pekerja syarikat GATCO. Kemelut meruncing pada tahun 1992 apabila GATCO diletakkan di bawah firma Arthur Andersen & Co akibat masalah hutang. Akhirnya pada tahun 1998, mahkamah mengarahkan agar segala aset GATCO dilikuidasi pada tahun tersebut kerana tidak mampu melunaskan hutang yang ditanggung.

Kerajaan Negeri telah bersetuju untuk mengecualikan pembayaran premium yang bernilai lebih RM8 juta bagi memudahkan rakyat mendapat pemilikan tanah.

Sejarah The Great Allioners Trading Corporation Berhad ataupun GATCO bermula pada tahun 1977 apabila Perbadanan

Kemajuan Negeri, Negeri Sembilan (PKNNS) memberikan pajakan kecil kepada GATCO. Pada tahun 1979, perniagaan syarikat GATCO terjejas akibat penutupan Syarikat Gula Negeri Sembilan Berhad. Akibatnya, GATCO telah memohon untuk menukar syarat tanah daripada tanaman tebu kepada tanaman getah atau kelapa sawit.

KEBAJIKAN PENJAJA TERBELA

Kebajikan golongan penjaja sentiasa menjadi perhatian dan keutamaan Kerajaan Pakatan Harapan di Negeri Sembilan. Pada tahun lalu, sebanyak 890 petak perniagaan telah disediakan di lokasi sekitar Seremban. Antara tapak tersebut adalah Tapak Penjaja Dataran Senawang, Tapak Penjaja Taman Sri Pandan, Sikamat (berhadapan Zemart) dan di Dataran Centrio, Seremban 2.

Di samping menyediakan tapak, Kerajaan Negeri turut memperturunkan dana berjumlah RM1 juta ringgit bagi satu insentif khas yang memberikan wang tunai secara one-off berjumlah RM300.00 kepada setiap penjaja yang bersetuju untuk ditempatkan di pusat penjaja yang disediakan.

STATUS TANAH MILIK KEKAL

Kerajaan Negeri Sembilan sedang dalam proses melaksanakan salah satu manifesto PRU-14 yang lalu, iaitu penukaran status tanah kediaman daripada pajakan kepada hak milik kekal. Sebagai makluman, Negeri Sembilan adalah negeri pertama di dalam Malaysia yang membuka permohonan penukaran status tanah kediaman daripada pajakan kepada hak milik kekal.

Negeri telah mendapat kelulusan daripada Majlis Tanah Negara bagi membolehkan inisiatif ini dilaksanakan. Ruang dan peluang ini merupakan salah satu usaha kerajaan untuk membantu rakyat mendapat pemilikan tanah.

Di samping itu, Kerajaan Negeri Sembilan komited dalam meluaskan lagi inisiatif ini pada masa akan datang agar lebih ramai lagi yang akan mendapat manfaat terutamanya para pemilik rumah.

137 PESERTA FELCRA TERIMA HAK MILIK TANAH

Kerajaan Negeri Sembilan Wilayah Tengah dan Pejabat Daerah Tanah Kuala Pilah kerana dapat memudahkan urusan tersebut. Diharap keuntungan yang diperolehi oleh FELCRA dapat dipulangkan semula kepada rakyat dalam bentuk dividen yang sewajarnya dan semoga FELCRA akan dapat menjalankan tugas dengan baik dan bertanggungjawab.



ADAT DAN AGAMA ISLAM

Dirgahayu Tuanku

MERAFAK SEMBAH & SEKALUNG TAHNIAH
KE BAWAH DULI YANG MAHA MULIA
YANG DI-PERTUAN BESAR NEGERI SEMBILAN DARUL KHUSUS

**TUANKU MUHRIZ
IBNI ALMARHUM TUANKU MUNAWIR**

SEMPENA ULANG TAHUN HARI KEPUTERAAN KE - 73
14 JANUARI 2021 / 1 JAMADILAKHIR 1442H

PAKATAN HARAPAN NEGERI SEMBILAN



SUMBANGAN BAIK PULIH MASJID PASCA BANJIR

YAB Menteri Besar Negeri Sembilan telah menyampaikan sumbangan kepada Masjid Kariah Kampung Kuala Sawah bagi tujuan baik pulih masjid akibat bencana banjir yang berlaku baru-baru ini. Ahli jawatankuasa masjid telah diwakili oleh Dato' Haji Hanafi Haji Sulaiman, selaku Pengurus masjid tersebut.

Sewaktu lawatan pasca banjir, didapati bahawa sebahagian besar daripada struktur masjid mengalami kerosakan akibat ditenggelami air. Semoga sumbangan yang disampaikan dapat dimanfaatkan sebaiknya oleh ahli jawatankuasa masjid agar masjid dapat dibaik pulih dan diimarahkan semula.



Penyerahan Bantuan Pasca Banjir kepada pengurus Masjid Kuala Sawah

KEMASUKAN SEKARANG

PENDAFTARAN PELAJAR BAHARU

Ke Institusi Kemahiran Sekian KAYNS

Kumpulan Akademi YNG

KURSUS YANG DISEDIAKAN

- AUTOMATIF | ELEKTRIK | PEMBUATAN PAKAIAN WANITA | ELEKTRONIK INDUSTRI | PASTRI | KUI LINARI
- PENGURUSAN PEJABAT | PENGURUSAN RESTORAN | KAUNTER HADAPAN | OPERASI LATIHAN VO KASIDONAL

HUBUNGI

06-768 7068 | 012-674 2270 | 019-688 4442

PELIHARA ADAT MELALUI SENI



Pada 17 Disember 2020 yang lalu, YAB Menteri Besar Negeri Sembilan, Dato' Seri Haji Aminuddin bin Harun telah ke Terachi bagi mendengar lagu Luak Terachi yang dinyanyikan oleh Muhd Helmi Abd Halim. Lagu ini adalah hasil usahasama Lembaga Muzium Negeri Sembilan dan pihak swasta dalam menghasilkan lagu-lagu berteraskan Negeri Sembilan.

Beliau juga turut sempat beramah mesra bersama

ibu-ibu soko daripada kawasan tersebut. Ibu soko sebenarnya adalah tonggak adat perpatih kerana kefahaman yang tinggi sehingga menjadi pakar rujuk dalam perkara berkaitan adat.

Tahniah kepada Lembaga Muzium Negeri Sembilan atas usaha yang telah dilakukan kerana dana memperkasakan adat perpatih yang disalurkan oleh Kerajaan Negeri dimanfaatkan sebaiknya bagi mengetengahkan budaya dan adat yang tidak ternilai ini.



YB P. Gunasekaren
N.24 SEREMBAN JAYA

10 pengusaha kantin sekolah terima sumbangan RM500

YB P.Gunasekaren telah menyampaikan sumbangan cek bernilai RM500 kepada pengusaha kantin sekolah di bawah DUN Seremban Jaya. Sumbangan ini adalah bagi membantu golongan pengusaha kantin yang turut terjejas

akibat penutupan sesi persekolahan sepanjang tempoh Pandemik Covid-19 ini. Semoga sumbangan ini sedikit sebanyak dapat membantu meringankan beban yang ditanggung oleh para pengusaha kantin.

Pengusaha kantin sekolah yang menerima bantuan ini adalah seperti berikut:

- 1) Sekolah Menengah Kebangsaan Seremban Jaya 1 (Puan Salina Salihudin@Damia Niaga Enterprise)
- 2) Sekolah Menengah Kebangsaan Seremban Jaya 2 (Puan Aishah Mat Sarip@Mansor)
- 3) Sekolah Kebangsaan Seremban Jaya 1 (Puan Norisan Yusoff)
- 4) Sekolah Kebangsaan Seremban Jaya 2(Encik Mohd Shahfudi Husin@Shahmeza Bina Enterprise)
- 5) Sekolah Jenis Kebangsaan Cina Sungai Salak (Puan Chaw Sooi Peng)
- 6) Sekolah Menengah Kebangsaan Taman Forest Heights (Encik Azli Ismail@Zaimal Enterprise)
- 7) Sekolah Kebangsaan Taman Sri Mawar (Encik Rusli Mat Taib)
- 8) Sekolah Jenis Kebangsaan Cina Kampung Baru Rahang (Puan See Lai Mei)
- 9) Sekolah Jenis Kebangsaan Tamil Senawang Estate (Puan Letcheme Davi Chena Wassin)
- 10) Sekolah Jenis Kebangsaan Tamil Ladang Seremban (Encik Eswaran Selvaraj@Yames Enterprise)



Bantuan Kewangan Kepada Pengusaha-Pengusaha Kantin
Dibawah DUN Seremban Jaya
23.12.2020

Rebin Birham
N.06 PALONG



Bayi Sakit Jantung, Masalah Usus Dapat Perhatian Penyelaras DUN Palong

Penyelaras DUN Palong amat bersympati setelah mendapat perkhabaran sedih berkaitan seorang bayi mengalami masalah usus dan jantung yang kronik di Felda Palong 9.

Bantuan segera disalurkan demi membuktikan sikap prihatin terhadap rakyat yang ditimpa musibah. Semoga anak ini akan diberi kesembuhan oleh Allah SWT.



YB Hj. Suhaimi Kassim
N.09 LENGGENG



Program Ramah Mesra DUN Lenggeng

Program Ramah Mesra Penduduk Batu 7 Pantai di Balairaya Batu 7 Pantai anjuran MPKK Batu 7 Pantai bersama YB Suhaimi bin Kasim, Ahli Dewan Undangan Negeri (ADUN) Lenggeng.



Selain itu, pihak MPKK Batu 7 juga berbesar hati untuk menyerahkan bantuan barang dapur kepada keluarga yang memerlukan di sekitar Kawasan Batu 7 Pantai. Bantuan disampaikan oleh YB Hj. Suhaimi Kassim.

APO CITO DUN

YB Dato' Dr. Mohamad Rafie
N.14 AMPANGAN

26 Mahasiswa DUN Ampangan terima Bantuan Sara Hidup (BSH)

Seramai 26 mahasiswa Institut Pengajian Tinggi (IPT) dari DUN Ampangan telah menerima Bantuan Sara Hidup (BSH) Anak Negeri Sembilan untuk tahun 2020 dari ADUN Ampangan, YB Dato' Dr. Mohamad Rafie Ab Malek.

Kerajaan Pakatan Harapan Negeri Sembilan

menerusi Yayasan Negeri Sembilan menyalurkan bantuan RM1,200 setahun kepada mahasiswa terpilih berdasarkan nilai bantuan sebanyak RM100 sebulan selama 12 bulan.



Tuan Hj. Abd Latif A. Tambi
N.35 GEMENCHEH

Mangsa kebakaran dapat bantuan segera

Nasib seorang warga emas, Harun Aman, 78, yang rumahnya hangus terbakar di Kampung Baru Sungai Kepong, mendapat perhatian Penyelaras DUN Gemencheh, Abd Latif A. Tambi.

Abd Latif menyerahkan sumbangan kewangan dan barang makanan asas seperti beras, minyak masak, sardin, biskut,

tepung dan gula.

Moga sumbangan ini sedikit sebanyak dapat meringankan beban yang ditanggung Harun dan keluarganya.

Pihak DUN akan berusaha mendapatkan sebuah rumah bantuan mesra rakyat untuk Harun pada masa akan datang.



Zainal Fikri Abd. Kadir
N.03 SUNGAI LUI



DUN Sungai Lui taja petrol PERCUMA buat 200 motosikal

Seramai 200 penunggang motosikal dari DUN Sungai Lui telah mendapat manfaat ‘petrol percuma’ dari Penyelaras DUN Sungai Lui, Tuan Zainal Fikri Abd Kadir.

Program pemberian minyak percuma ini merupakan satu penghargaan kepada mereka yang majoritinya keluar mencari rezeki dengan menggunakan

kan motosikal di DUN Sungai Lui.

Program ‘Petrol Percuma’ ini diadakan di Stesen Minyak BHP Felda Lui Muda dan Stesen Minyak Smart Felda Pasoh.

Beliau turut mengedarkan kalender tahun 2021 dan akhbar Nogori Kito.



RM5.00 JUTA 
PROGRAM RUMAH HARAPAN RAKYAT




RM1.30 JUTA
GERAN AKTIVITI BELIA
RM3,000 @ 433 MPKK



**YB Choo Ken Hwa
N.30 LUKUT**

Sumbangan kepada para pemandu



Sumbangan kewangan daripada EXCO Perpaduan dan Integriti, Negeri Sembilan, Yb Choo Ken Hwa kepada pemandu-pemandu teksi, pemandu-pemandu bas sekolah dan bas perlancungan di sekitar DUN Lukut yang terjejas akibat pandemik Covid-19.

Shahran Kaat

N.16 SERI MENANTI



Insentif Kecemerlangan buat mahasiswa DUN Seri Menanti

Seramai enam pelajar Institut Pengajian Tinggi (IPT) telah menerima Insentif Kecemerlangan Institut Pengajian Tinggi dari Penyelaras DUN Seri Menanti, Tuan Shahran Kaat.

Insentif ini merupakan satu inisiatif Kerajaan Pakatan

Harapan Negeri Sembilan untuk membantu golongan pelajar dari keluarga kurang berkemampuan.

Melalui Insentif Kecemerlangan IPT tersebut, pelajar yang melanjutkan pengajian ke peringkat Ijazah menerima RM1,000; Diploma RM750 dan Sijil RM500.



**YB Mary Josephine
N.22 RAHANG**



300 Pelajar dapat tajaan baucer RM100 seorang

Seramai 300 pelajar dari keluarga kurang berkemampuan di DUN Rahang menerima baucer bernilai RM100 dari ADUN Rahang, YB Mary Josephine Prittam Singh.

Sumbangan tersebut telah diserahkan kepada Pengurus

PIBG Sekolah Jenis Kebangsaan Cina Ma Hwa Kampung Baru Rasah.

Setiap pelajar akan menerima dua keping baucer bernilai RM50 setiap satu.



**RM1.30 JUTA
BANTUAN ANAK SEKOLAH
(B.A.S)**



**TAKAFUL KHAIRAT
KEMATIAN - ISLAM
RM1.00
JUTA**

INTEGRITI**CABUTAN UNDI LEBIH 700 PROJEK TELUS**

Lebih daripada 700 projek-projek di bawah Jabatan Kerja Raya Negeri Sembilan dan Jabatan Pengairan dan Saliran Negeri Sembilan telah melalui proses undian yang disiarkan secara langsung melalui laman Facebook pada tahun ini.

Bagi memastikan cabutan tersebut benar-benar telus dan bebas daripada campur tangan pihak berkepentingan, proses pengundian telah dijalankan dengan melibatkan agensi kerajaan seperti SPRM, PDRM, Unit Audit Dalaman SUK serta pegawai-pegawai kanan Kerajaan Negeri.



Program Kerja Undi Secara Live Streaming

Proses cabutan undi bagi projek-projek adalah manifestasi integriti dan ketelusan Kerajaan Pakatan Harapan Negeri Sembilan. Kerajaan Negeri Sembilan berharap agar kontraktor yang terpilih untuk melaksanakan projek-projek yang diluluskan dapat menjalankan tanggungjawab dengan sebaik mungkin demi kepentingan rakyat.

MENTERI BESAR DUA PENGGAL, BUKTI PH TUNAI JANJI

Kerajaan Negeri komited dalam memastikan tawaran Pakatan Harapan Negeri Sembilan (PHNS) dapat dilaksanakan sepenuhnya. Sehubungan itu, Kerajaan Negeri bakal membawa satu usul ke Dewan Undangan Negeri bagi merealisasikan tawaran tersebut.

Sekiranya disokong oleh 2/3 ahli dewan, enakmen tersebut

but bakal mewajibkan seseorang Menteri Besar mengosongkan jawatan tersebut setelah dua penggal. PHNS yakin bahawa perkara ini bukan sahaja menggalakkan pentadbiran berintegriti dan pembangunan seimbang, malahan juga memastikan idea baru sentiasa diketengahkan demi kebaikan rakyat Negeri Sembilan.

**PELAN ANTIRASUAH PERINGKAT NEGERI SEMBILAN (ANTS) 2020-2024**

Menurut rekod, Negeri Sembilan adalah negeri yang kedua membangunkan Pelan Antirasuah peringkat negeri selepas Negeri Sabah yang telah melancarkan pelan mereka pada tahun lepas.

Pelaksanaan Pelan ANTS bagi tempoh lima tahun akan datang ini amat signifikan dalam mencerminkan harapan rakyat untuk membentuk sebuah negeri yang bebas rasuah dengan

warganya membudayakan ketelusan, akauntabiliti dan integriti.

Kerangka Pelan ANTS mengandungi lima bidang keutamaan yang terdiri daripada Tadbir Urus Politik, Sektor Pentadbiran Awam, Perolehan Awam, Perundangan dan Kehakiman, dan Penguatkuasaan. Di bawah lima bidang keutamaan ini, terdapat lima strategi yang digariskan dengan

inisiatif untuk dilaksanakan oleh semua jabatan dan agensi di bawah pentadbiran Kerajaan Negeri Sembilan.

Komitmen daripada semua pihak adalah penting bagi memerangi rasuah melalui usaha-usaha pengukuhan integriti, urus tadbir dan antirasuah supaya matlamat utama dapat dicapai dan membawa manfaat seperti mana yang dihasratkan.



Kunjungan hormat YB Tuan Haji Suhaizan Kayat, Speaker DUN Johor

LENSA

Ziarah Mahabbah Pertubuhan Rabithah Alumni Maahad Ahmadi, Gemencheh

LENSA

Kunjungan hormat Pusat Pendidikan Profesional dan Lanjut (PACE), UUM

LENSA

YAB Menteri Besar menerima kunjungan Kartunis Zulkiflee Anwar Ulhaque (Zunar)

BANGUN SEMULA KAMPUNG BUDAYA WARISAN

Perkampungan budaya telah lama wujud di Negeri Sembilan. Walaubagaimanapun, fasiliti tersebut telah dibiarkan begitu sahaja. Melihat kepada potensi besar kawasan tersebut sebagai tarikan pelancongan, Kerajaan Negeri telah mengambil langkah membaik pulih dan menaik taraf lokasi tersebut.

Sehingga kini, fasa pertama perkampungan tersebut sudah hampir siap dan dijangka mula beroperasi dalam masa

terdekat. Fasa kedua projek pula dijangka bermula dalam tahun.

Kerajaan Negeri yakin bahawa lokasi ini mampu menggalakkan kehadiran pelancong ke kawasan Kuala Pilah.

Perkara ini secara tidak langsung akan menggalakkan pembangunan ekonomi di kawasan sekitar terutamanya dalam iklim pasca pandemik COVID-19.



TAMAN MALAYSIA DAN TAMAN ORKID DINAIK TARAF

Pagi 19 Disember 2021, YAB Menteri Besar Dato' Seri Haji Aminuddin bin Harun dan beberapa pegawai kanan Kerajaan Negeri telah melawat sekitar Taman Malaysia yang berdekatan dengan Galeri Tuanku Jaafar. Kebersihan dan juga fasiliti yang ada di taman tersebut telah dibaik pulih

dan ditambah bagi menjamin keselesaan pengunjung.

Sebagai makluman, taman tersebut dibuka untuk orang awam pada setiap hari bermula jam 8.00 pagi sehingga 6.00 petang. Antara kemudahan yang disediakan di taman tersebut adalah jambatan gantung, amphitheater serta peralatan riadah.

Begitu juga halnya dengan kewujudan Taman Orkid di Seremban yang ramai tidak tahu. Kalau tahu pun mungkin sekadar lalu sahaja, tapi tak singgah. Kini, Taman Orkid juga kini sudah dinaittaraf oleh MBS. Anda

boleh membawa ahli keluarga untuk beriadah, swafoto bersama pasangan dan melihat keindahan flora di sekitar taman tersebut. Lokasi Taman Orkid terletak di sebelah Hotel Royal Chulan, Seremban.

WAKTU OPERASI:
8.00 PAGI - 6.00 PETANG
(SETIAP HARI)



SYABAS NS ANTLERS

Tahniah diucapkan kepada NS Antlers atas kejayaan merangkul Tempat Keempat Liga Premier Sepak Takraw League dan Penyerang Terbaik Liga Premier Sepak Takraw League.



Kerajaan serta seluruh rakyat Negeri Sembilan mendoakan agar kejayaan ini bukan sahaja diteruskan, malahan ditambah baik pada kejuaraan yang akan datang.



SIVIK, INFRA DAN PRASARANA

SKRIN LED GERGASI

Sebuah skrin LED gergasi bersaiz T10 telah dipasang di Dataran Nilai. Untuk makluman, skrin ini adalah salah satu inisiatif yang diumumkan dalam Belanjawan Negeri Sembilan 2020 yang diumumkan pada tahun lepas. Pemasangan skrin LED gergasi ini turut juga adalah salah satu janji dalam Tawaran Pakatan Harapan Negeri Sembilan pada PRU-14 yang lalu.

Skrin ini akan membantu dalam memaparkan video-video serta dapat menyebarkan maklumat kepada masyarakat yang berkunjung di Dataran Nilai. Selain itu, skrin LED gergasi ini turut akan digunakan untuk

membuat siaran langsung perlawanan atau pertandingan seperti bola sepak, badminton dan lain-lain lagi untuk ditonton secara beramai-ramai.

Selain memaksimakan penggunaan Dataran Nilai, aktiviti kumpulan beramai-ramai ini turut membuka peluang kepada peniaga kecil untuk bermula.

Walaubagaimanapun, aktiviti siaran langsung masih belum boleh dijalankan akibat daripada pandemik COVID-19. Oleh itu, skrin tersebut akan digunakan sebagai salah satu medium penyampaian maklumat berkenaan Kerajaan Negeri kepada rakyat.



PACUAN EMPAT RODA UNTUK JABATAN PERHUTANAN

Dua buah kenderaan pacuan empat roda telah diserahkan kepada Jabatan Perhutanan Negeri untuk digunakan di Taman Negeri Kenaboi dan PD Forest @ Sungai Menyala.

Kenderaan ini bakal dilengkapi dengan kerusi penumpang di tempat belakang bagi membolehkan para pengunjung melihat kawasan Taman Negeri dengan lebih dekat lagi.

Menurut rekod, jumlah pengunjung daripada dalam dan luar

negara meningkat setiap tahun bagi menikmati keindahan alam semulajadi. Jabatan Perhutanan adalah agensi yang berperanan besar dalam memastikan ekopelancongan terus berkembang.



Penyerahan dua buah pacuan empat roda kepada pegawai Jabatan Perhutanan

KEMPEN TANAM 100 JUTA POKOK

Pada 5 Januari 2021 yang lalu, YAB Menteri Besar Negeri Sembilan, Dato' Seri Haji Aminuddin bin Harun telah ke Hutan Simpan Angsi-Berembun bagi menyertai program penanaman pokok sempena Kempen Penanaman 100 Juta Pokok 2021-2025 peringkat Negeri Sembilan. Program ini adalah salah satu inisiatif kerajaan bertujuan untuk mengekalkan kawasan hijau di seluruh negara di samping meningkatkan kesedaran terhadap kepentingan pokok dan kawasan berhujan serta mepupuk semangat cintakan alam semulajadi.

Di Negeri Sembilan, terdapat dua lokasi pelaksanaan program ini iaitu di Taman Tasik Seremban yang ditanam dengan pokok nadir bagi meningkatkan kawasan hijau dalam bandar serta Hutan Hujan Simpan Angsi-Ber-

embun yang ditanam dengan pokok buah-buahan bagi menarik hidupan liar yang boleh menjadi nilai tambah produk eko-pelancongan khususnya di Taman Eko Rimba Ulu Bendul.

Kerajaan Negeri turut akan meluaskan pelaksanaan program ini di Hutan Simpan Gemas. Kawasan seluas 30 hektar akan ditanam dengan pokok ladang hutan dengan melibatkan pengusaha industri perkayuan dan kontraktor pembalakan. Kerajaan Negeri turut mengalui-alukan penglibatan pihak swasta dalam menjayakan program ini terutamanya sebagai salah satu program tanggungjawab sosial korporat (CSR) seperti kerjasama yang telah dilakukan oleh pihak Sime Darby Kok Foh Bahau ini.

Pokok kita, kehidupan kita, kebanggaan kita.

